

ጾውሎ ማድ"ም ዳኪንቴ ጳውሎስ ፒልጲሲዮስ ዓሶም ዳኬ ኪኢቶ" ዓይያ ካሮ"

ጳውሎስ ፒልጲሲዮስ ዓሶም ፃኣፔ ኪኢታ" ፃኣፒንቴሢ" ሮሜ ዓጮ" ዴማ" ማዔ፥ ማቄዶኒያ ዓጮ"ይዳ፥ ፒልጲሲዮስ ካታማ" ዓኣ ሺኢጲያ ማኣሮ ዓሶምኬ፤ ዬና ሺኢጲያ ማኣራላ ጳውሎስ ዓውሮፓ ዓጮ"ይዳ ቤርታ ዔቂሴዜሎኬ፤ ኪኢታ" ፃኣፒንቴሢ:- ኪሪሰቶስ ጉሙርቃ ማሌ" ማዳ ዓሳ ጳውሎስ ዒዲ፥ ዒዛ ማካ ዎዶ"ና ሃሣ ፒልጲሲዮስ ሺኢጲያ ማኣሮይዳ ዔቄ ሉኡዙሞና ዔርዘ ዓሶ ዛሎ"ና ዒና" ዒዛኮ ምዶ፥ ቱኡዙ ማኣራ ዒ ዓኣዎኬ፤ ዬይ ያዲ ማዔቴያ ጳውሎስ ዬሱስ ኪሪሰቶስና ዓኣ ጉሙርቂዎና ሚርጌና ካዴያ ማዔሢሮ ሃኖ" ኪኢቶ"ይዳ ሚርጌና ጳዳ ባካ ዎዛና ዒናፓ ጾኦሲ ዓያናና ዶዲሢ ዛላኬ።

ሃኖ" ኪኢቶ" ጳውሎስ ፃኣፒሴ ባካ ዒዛኮ ማታሢ ዎዶ"ና ዒዛ ማኣዳ"ኒ ማኣዳ ዳኪንቴያታሢሮ ፒልጲሲዮስይዳ ዓኣ ኪሪሰቶስ ጉሙርቃ ዓሶ ጋላታኒኬ፤ ዒዛንታ ዔያቶንታ ዴማ ዴማ ማታ ሄሌ"ያ ማዔቴያ ዒጊጩዎ ጉቤ ዒናፓ ጉሙርቂሢ ዔያቶኮ ዓኣያ ማዓንዳጉዲ ቃሲ" ዔያቶ ዶዲሻኬ። ምቶርሙሞና ሄርሺንቲና ሃሺ" ዬሱስ ኪሪሰቶስኮ ሺሌዑሞና ሚርጌና ዎሊ ሚጨንታያ ማዓንዳጉዲ ኮሺ" ዔያቶም ላቲ" ኬኤዛኬ። ዔያታ ዬሱስ ኪሪሰቶስና ዎላ" ማዒያና ዴንቄናንጋ ጾኦሲኮ ኮሹሞ ዒንጊያይዳፓ ማዔያ፤ ሃሣ ጉሙርቂሢና ዔያታ ዴንቄያ ማዓንዳኣፓዓቲም ዓይሁዴ ዓሶኮ ዎሳ ማዲ ኩንሥሢና ጳዳያቲዎሴ ጌይ ዔያቶም ጳቂሢ ኬኤዛኬ። ዬሱስ ኪሪሰቶስና ፔቴ" ማዒ ናንጋዘንሢም ቢያ ጾኦሲ ዒንጋንዳ ኮሹሞንታ ዎዘ"ንታ ዛሎ"ዎ ዔያቶም ዒ ፃኣፔኬ።

ሃና" ኪኢታ" ዴማዲ ዔርታሢ:- ዎዘንታ ጉሙርቂሢንታ ፔቴሞንታ ሃሣ ኪሪሰቶስ ጉሙርቂ ናንሳ ናንጊና ዶዲሢንታ ዛላ ፔጋሲ ዔርዘያናኬ፤ ቃሳ"ዎ ጳውሎስ ፒልጲሲዮስ ሺኢጲያ ማኣሮ ዓሶ ሚርጌና ናሽካያ ማዒ ዛሎ" ኬኤዛኬ።

ማፃኣፔላ ዴማ ዴማ ዓርቄ ባኮ

- ዓይያ ካሮ" 1፡1-11
- ጳውሎስ ዓኣ ጎይያ 1፡12-26
- ኪሪሰቶስና ጳዳ ናንጊ 1፡27—2፡18

ጳውሎስና ዋላ" ማዳ ዓሶ 2፡19-30
ሉኡቂ ዔርዛ ዓሶም ላቲ" ኬኤዚንቴ ባኣዚ" 3፡1—4፡9
ጳውሎስኮ ፕላይስቶር ሳሎም ጋላቲያንታ ጋፒንያ ሳራሢያ 4፡10-23

ጳውሎስ ዳኬ ሳራሢያ

1 ሓይ ከኢታ" ዬሱስ ከሪሰቶሴም ማዳያ ማዔ፥ ጳውሎስና ዊሞቴዎሴናይዳፓ ዳከንቴያኮ፤

ዳከንቴሢያ ፕላይስቶር ካታማ" ናንጋ ዬሱስ ከሪሰቶሴ ጉሙርቂያና ያኦሲም ዳማዴ ዓሶና ሺኢጲያ ማኣሮ ዋይሣ ዓሶና ዲያቆኔ ማዒ ዔያቶ ማኣዲ" ማዳ ዓሶናምኬ፤

2 ኦኡኮ ዓዳሢ፥ ያኦዛሢዳፓ፤ ዬያጉዲ ሃሣ፥ ጎዳ ዬሱስ ከሪሰቶሴይዳፓ ያኦሲኮ ኮሹሞ ዒንጊያና ዋዛና ዒንሢም ማያንጎ።

ጳውሎስኮ ጋላቶ" ሺኢጲያ

3 ዒንሢ ታ ጳቂሣ ዋዶ"ና ቢያ፥ ታ ያኦዛሢ ታኣኒ ጋላታኔ። 4 ዒንሢ ቢያሢም ታ ሺኢቃኣና ዴኤፒ ዋዛና ታ ሺኢቃኔ። 5 ታኣኒ ፕላይስቶር ካታሞ ሄሌ" ኬላ"ፓ ዓርቃያ ሃና" ሄላ"ንዳኣና ኮኸ ሃይሶ ኬኤዚያ ማዶ"ና ታኣና ዋላ" ዒንሢ ማዔሢሮ ያኦሲ ታ ጋላታኔ። 6 ዬሱስ ከሪሰቶሴ ማዒ ሙካ ኬሎ"ና ኩንሢኒ ዬያ ኮኸ ማዶ" ዒንሢና ማዳኒ ዓርቂ ያኦዛሢ ሃሢያ ማዳሺ ዴዳዓንዳሢ ታ ጉሙርቂኔ። 7 ታ ዒንሢ ዛሎ" ዬያይዲ ማላንዳያ ኮይሳኔ፤ ዓይጎሮ ጌዔቴ ጎኔ ዒናፓ ታ ዒንሢ ናሽካያታሢሮኬ፤ ሃሣ ታ ዒንሢሮ ዬያይዲ ማላሢ ኮኸ ሃይሶ ዛሎ" ያኦጪንታ ባኮሮ ማሢ ታ ኬኤዛ ዋዶ"ና፤ ሃሣ ታ ሃይካ ቱኡዘ ማኣራ ኬኤዛኣና ዒንሢ ታኣና ዋላ" ያኦሲኮ ኮሹሞ ዒንጊያ ዔካያ ማዔሢሮኬ። 8 ዬሱስ ከሪሰቶሴ ዒንሢ ናሽካሢጉዲ ታኣኒያ ዒንሢ ናሽካያ ማዒ ዒንሢ ጳቂሣሢኮ ያኦሲ ማርካኬ።

9 ናሹማ ዒንሢኮ ዔራቶና ጳቂሥሢና ዓኣያ ማዒ፥ ዳልጊ ዳልጊ ዓኣዳንዳጉዲ ታ ያኦሲ ሺኢቃኔ። 10 ዬይ ቡሣ ዓኣዳ ኮኸ ባኮ ዲማሲ ዒንሢ ዔራንዳጉዲና ከሪሰቶሴ ማዒ ሙካ ኬሎ"ና ጌኤሺ፤ ሃሣ ቦሂሳ ባኣዚ"ያ ባኣያ ማዒ ዒንሢ ጳዳንዳጉዲኬ። 11 ያዒ ማዒያና ዬሱስ ከሪሰቶሴ ዒንሢም ዒንጋ ዲሎ"ሞ ዓኣፖና ኩሚ ያኦሲ ቦንቻያና ጋላታያ ዒንሢ ማዓንዳኔ።

ጳውሎስኮ ቱኪንጉቲያ ኮኸ ሃይሶ ኬኤዚያ ለኣገባኣሢ

12 ታ ዒሹንሦ! ታ ሚሹንሦ! ታጊዳ ሄሌ" ባካ ቢያ ኮኸ ሃይሶ ማዶ" ባሹና ዳልጋንዳጉዲ ማሃሢ ዒንሢ ዔራንዳጉዲ ታ ኮዓኔ።

1:1 ዳኪ. ማዶ" 16፡12።

13 ታኣኒ ቱኡቴህ ኪሪሰቶሴኮ ኮዮ ሃይሶ ኬኤዚያ ዛሎ"ናታህ ርሜ ዓጮ" ካኣቲ ማእሮ ካፓ ዓሶንታ ማሌ" ዓሳኣ ቢያ ታና ዔሬሬ።

14 ታ ቱኡቴቴያ ኪሪሰቶሴ ጉሙርቃ፥ ታ ዒሾንህና ታ ሚሾንህናፓ ሚርጌዞንህ ምሳሊ ቃኣሎ" ዒጊቹሞ ባኣያ ኬኤዚ ዳንዳዔ።

15 ጋዓንቴ ፔቴ" ፔቴ"ዞንህ ኮዮ ሃይሶ ኬኤዚህ' ቈኤሙሞና ዒደህ ዓያናከ፤ ዛላ" ኬኤዚህ ፒዜ ዒናፓከ። 16 ዩንህ ኮዮ ሃይሶ ፒዜ ዒናፓ ኬኤዚዞንህ ናሹሞና ኬኤዚ፤ ዔያታ ዩያ ማዳህ' ታኣኒ ኪሪሰቶሴኮ ኮዮ ሃይሶ ዛሎ" ሞኦታንዳጉዲ ምሳሊ ታና ደኦሪህ ዔራህሮከ። 17 ሃንጎሞታ ኮዮ ሃይሶ ዋቢሲ ኬኤዚህ ፔና ዴግ ዴግጊዳኒ ዓኣ ማሊያይዳፓ ዔቁያና ቱኡዞኮ ጊዳ" ቃሲ" ታና ማቶ ሄሊ"ሳኒ ማሊከ።

18 ዩይ ያዲ ማዔቴያ ዩይ ቢያ ታና ዋዋዛሳ፤ ሴካ ቤርታ ዓኣ ዋዛ" ታኣኮ ሃያከ ጌይንቱዋያከ፤ ዋይቲ ጌዔቴ ኮሺና ማያሞ ፑርታ ማሊህና ኪሪሰቶሴኮ ኮዮ ሃይሳ ኬኤዚንታህሮከ። 19 ማሌ" ሃህ ታና ዋዛሳ ባካ ዒንህ ሺኢጲያና፤ ሓህ ዩሱሰ ኪሪሰቶሴኮ ዓያና ጌኤዥ ታና ማኣዴ"ሞ ታኣኒ ቱኡዛፓ ቡሊ"ንታንዳህ ታ ዔራህሮከ። 20 ዩያሮ ዓይጎ ባኣዚ"ናኣ ታ ባሺንቲንዳዋኣህ ጉቤ ዒናፓ ሃጊ ማዓንዳ ዋዛ ጌህ ታ ጉሙርቃ፤ ዩያጉዲ ሃህ ቤርታኣሰካፓ ባሺና ሓህ ታ ናንጌቴያ ሃይቄቴያ ታኣና ኪሪሰቶሴ ቦንቹንታንዳጉዲ ማሃኒ ጫርሹሞ ታኣኮ ዓኣ። 21 ዩያሮ ታኣኮ ናንጎ ጌይ፡- ኪሪሰቶሴና ናንጊህከ፤ ታ ሃይቄቴያ ዑህ ዓኣዴ ኮሺ ታኣሞ ማዓ። 22 ታኣኮ ኪሪሰቶሴና ማዒ ናንጊ፣ ዓኣፒ ማዶ ማዲሻያ ማዔቴ፥ ሃህ ናንጊና ሃይቢናይዳፓ ዋዩ ታ ደኦሪንዳቴያ ታኣሞ ዔርቱዋሴ። 23 ዩንህ ላምፖ ማሊያንህና ታ ማታዳ፤ ፔቴ" ዛሎ"ና ሃካ ናንጊያይዳፓ ሃይቢና ዳማዲ፥ ኪሪሰቶሴና ዋላ" ታ ናንጋኒ ኮዓ፤ ዓይጎሮ ጌዔቴ ኪሪሰቶሴና ማዒ፣ ቢያፓ ባሺ ታኣሞ ማዔህሮከ። 24 ማሌ" ዛሎ"ና ዒንህ ማኣዳ"ኒ ታኣኮ ሃካ ሳዓ ናንጊያ ሚርጌ ኮይሳያ ማዔህ ታ ዛጋ። 25 ታኣኮ ዩዩ ዛሎ" ማሊያ ባሺያ ማዔህሮ ሃይቢዳፓ ታ ዓቲ" ዒንህና ዋላ" ናንጋንዳህ ታ ጉሙርቃ፤ ያዲ ማዔቴ፡- ኪሪሰቶሴ ጉሙርቄ ዲጪህና ዋዛና ዒንህ ዴንቃንዳ። 26 ላሚ ዒንህ ኮይላ" ታ ሙካኣና ታ ዛሎ"ና ኪሪሰቶሴና ዒንህኮ ዓኣ ዋዛና ዒንህ ሚርጌና ዋዛዳንዳ።

27 ዓካሪ ቢያፓ ባሺ ማዔ ባካ ዓይጎዳይ ጌዔቴ፡- ናንጋ ዒንህኮ ኪሪሰቶሴ ኮዮ ሃይሶ ጋላቲሳያ ማዓኒ ኮይሳህከ፤ ዩይ ያዲ ማዔቴ ታ ዒንህ ሙከ ዛጌቴያ ሃከ ማዔቴያ ፔቴ" ማሊህና ደዲ ዒንህ ዔቃንዳህንታ ኮዮ ሃይሶ ማዶ" ደዲ ዒንህ ማዳንዳህ ታ

1:13 ዳኪ. ማዶ" 28:30።

ጉሙርቃኔ። 28 ዓይጎ ባኣዚ"ናኣ ማዖም ዒንሢ ማደ" ማካ ዓሶ
 ዒጊጨፖቴ፤ ዩይ ዒንሢኮ ጩርሹማ ዔያቶም ባይሲንታ ማለታ
 ማዓዛ ዒንሢም ጋዓንቲ ደቁንታም ያኦሲ ዒንጌ ማለታ ማዓንዳኔ።
 29 ኪሪሰቶሴ ዛሎ" ዒንሢ ሜቶ ዔካንዳጉዴያ ማዓንዳፓዓቲም
 ዒዛ ጉሙርቃንዳጉዲ ሌሊ ሃይ ያኦሲኮ ኮሹሞ ዒንጊያ ማደ"
 ዒንሢም ዒንጊንቲባኣሴ። 30 ዩያሮ ሃሢ ዒንሢ ታኣና ዎላ" ሜታዲያ
 ማዓኔ፤ ዩይ ሜታሢ ሃያኮ ቤርታ ታና ሄሌ"ሢና ሃሢያ ታኣኒ
 ሜታሢዳ ዓኣሢ ዒንሢ ዎይዛሢኬ።

2

ኪሪሰቶሴ ዳዌ ሹሌዑሞ

1 ኪሪሰቶሴሮ ዒንሢ ማዓሢሮ ዒዛና ዒንሢ ዎልቄ ዴንቄኔ፤
 ሃሢ ዒዛ ናሹሞና ዒንሢ ዶዴኔ፤ ዓያሮ ጌኤኮ ዛሎ"ናኣ ፔቱሞ
 ዒንሢ ዴንቄኔ፤ ዎላ" ዒንሢ ኮሹሞና ሚጨንቲሢና ናንጌኔ፤ 2 ዩያሮ
 ፔቱ" ማሊሢና ናሹሞ ዓያናና ዎላ" ጊኣጊ ናንጊሢና ታኣኮ ዎዘ"
 ኩሙሢ ዎዛ ማሁዎቲ። 3 ሚርጌና ሹሌዔ ማዒ፣ ሜሌ" ዓሶ
 ዒንሢዳፓ ባሼ ማሃ ዛጉዎቲ፤ ፔና ናሽኪሢና ሃሢ ዩያጉዲ፡- «ታ
 ጊዳፓ ሜሌ" ያናዳይ?» ጋዓ ሄርሺንቲና ዓይጎ ባኣዚ"ያ ማደፖቴ።
 4 ሃሢ ዩያጉዲ ፔቱ" ፔቱ"ሢ ፔኤም ኮይጎ ባኮ ሌሊቱዋንቲ ሜሌ"
 ዓሲማኣ ማዓንዳ ባኣዚ" ማሎንጎ። 5 ዩያይዲ ዩሱሰ ኪሪሰቶሴ
 ዒንሢ ዳዌ ሹሌዑሞ ማደ" ዒንሢ ናንጎይዳ ጴዳንዳያ ኮይጎኔ።

6 ዒ ፔኤሮ ያኦሲታያ
 ያኦሲና ዎላ" ዒዛ ሄኮ ማሃ
 ዒዛኮ ያኦሱሞ ዓርቂ ዴዓኒ ኮይባኣሴ።

7 ጋዓንቲ ዒዚ ፔና ጉሪ ማሄኔ፤
 ዓይሌ" ማሎዎ ዔኬኔ፤
 ሃሢ ዓሲ ማዒያ ጴዳኔ፤

8 ዓሲ ማዔያዎ ሹሌዑሞና ፔ ቶኣኮ" ሄርኪዴኔ፤
 ሃይቢ ሄላ"ንዳኣና
 ዩይያ ፑርቶ ዓሶ ሱያ ሚያይዳ ሱዲንቲ ሃይቃኒ
 ዓይሢንታያ ማዓኔ።

9 ዩያ ዛሎ"ሮ ያኦሲ ዒዛ ቢያፓ ዑፃ ዴጊዴኔ፤
 ሱንሢ ቢያይዳፓ ባሼ ሱንሢ
 ዒዛም ጌሢኔ።

10 ዩያሮ ዩሱሴ ሱንያ ቦንቺ
 ጨሪንጨና ሳዖናይዳ ሃሢ ሳዖኮዎ ዴማ" ዓኣሢ ቢያ

1:30 ዳኪ. ማደ" 16:19-40።

ዲዛም ጉምዓታንዳኔ።

11 ሃሣዕ ዓይነት ፔ ዳንጎና

«ዩሱስ ኪሪስቶስ ጎኔ ጎዳኬ» ጌራ ማርካዲሂና
ጾኦሊ፣ ዓዳሂ ለንቻንዳኔ።

ዓጮ" ዓሰም ፖሊ ማሲሂ

12 ታዲሳንሂሳይ፣ ታኦሲ ዲንሂና ዋላ" ማዕ ዎደ" ቢያና ዲንሂ
ዓይሂንታያኬ፤ ዓካሪ ባሽና ታዲንሂዳፓ ሃኬ ዎደ"ናኦ ዓይሂንታያ
ማዓንዳጉዲ ታዲንሂ ዘራኔ። ዩያሮ ዲንሂ ፔቴ" ፔቴ"ሂኮ ዓኦ
ዳቁንታ ጋፒንዎ ሄላ"ንዳኦና ደዲ ዳዓንዳጉዲ ጾኦሊ ዲጊጩሂና
ለንቻሂና ደዲ ማዲዎቴ። 13 ዓይጎሮ ጌዔቴ ዲዛ ማሊዎጉዴያ
ዓይሂንታሂና ናሽኪ ዔኤዲሂና ዲንሂም ዲንጊ ዲንጊ ማዲሂ
ጾኦሊታሂሮኬ።

14 ዓይጎ ማዲዎ ዲንሂ ማዲ ዎደ"ና ጉንዲሚ ጉንዲሚ ጎራ"ንቲያ
ዋላ" ጎራ"ንቲ ማርሚፖቴ። 15 ያዲዴቴ ሃያ ዎርቆ ጎይዎ ዔርቲዎ
ሾይንቶ ዓሶ ባኦካ" ለሂሳ ባኦዚ" ባኦያ፣ ጌኤሽ ጾኦሊ ናይ ማዲ፣
ዠኦጌጉዲ ፖሊ ዲንሂ ጴዳንዳኔ። 16 ዩይ ያዲ ማዓንዳሂ" ናንጊ
ዲንጋያ ማዔ፣ ኮዠ ሃይሶ ሃሹ"ዎዎ ዲንሂ ኬኤዚኒ ዳንዳዔቶኬ፤
ዩያ ጎይዎና ታኦኮ ጳዠ ማዔቴያ ማዲ" ጉሪ ማዲ ዓቲንዲዎኦሂሮ
ኪሪስቶስ ማዲ ሙካኦና ታና ሄርሽንቲሳንዳ ባኦዚ" ዓኦኔ
ጌይሂኬ።

17 ጾኦሊም ጉሙርቁሂና ዲንሂ ዲንጎ ባኮ ሸኢሻኦና ታ
ሸምፓሂያ ቃሲ" ዋሆ ዐዠጉዲ ማዲ ዲንጊንታያታቴ ታና ዎዛሳያ
ማዓንዳኔ፤ ዲንሂያ ታኦና ዋላ" ዎዛዳንዳኔ። 18 ዩያይዲ ዲንሂያ
ታኦና ዋላ" ዎዛዳዎቴ።

ዲሞቴዎሴና ዔፓራዲቶሴናኮ ማዲ"

19 ታኦኒ ዲንሂ ዛሎ" ዎይዚ ዎዛዳኒ ዲሞቴዎሴ ዐኬና ዲንሂ
ባንሂ ዳካንዳጉዲ ጎዳ ታና ማኦዲ"ንዳሂ ታ ጉሙርቃኔ። 20 ዲንሂ
ዛሎ" ሜታዲ ማላ ዓሲ ዲሞቴዎሴይዳፓዓቴም ሜሌ" ዓሲ ታኦኮ
ባኦሴ። 21 ሜሌ" ዓሳ ጋዓንቴ ቢያ ፔኤም ማዓ ባኦዚ" ሌሊ
ዳኪ ሃንታኦፓዓቴም ዩሱስ ኪሪስቶስ ማዲ" ዛሎ" ዔኤቢ ዓቴ"ኔ
ጎዐዎሴ። 22 ዲሞቴዎሴኮ ጉሙርቁንቲ፣ ዛጊንቲ ዔርቲያ፤ ሃሃ
ኮይሳ ዓሲ ማዔሂ ታኦና ዋላ" ዓደና ናይናጉዲ ፔቴ" ማዲ ኮዠ
ሃይሶ ኬኤዚያና ዋላ" ኦ ማዲ ናንጌሂ ዲንሂ ዲንሂ ቶኦኪና
ዔራኔ። 23 ታ ጌኤዛ ዎይታንዳቴያ ታ ዔሪሂኮ ጊንዎ ዲሞቴዎሴ

2:11 ዲ.ሲ. 45:23። 2:15 ላሚ. ዎማ 32:5።

ዑኩና ዲንሢ ባንሢ ታ ዳካኒ ማላኔ። 24 ሃሣ ታኣኒያ ታኣሮ ዲንሢ ኮይላ" ሙካንዳጉዲ ጎዳ ታና ማኣዳ"ንዳኔ ጌዲ ታ ጉሙርቃኔ።

25 ዬያጉዲ ሃሣ ዲንሢ ታና ማኣዳ"ንጎ ጌዲ ዳኔ፣ ጎዳ ሱንፆና ኦኡኮ ዲሻሢ ማዔ፣ ዔፓራዲቶሴያ ዲንሢ ባንሢ ዳካኒ ኮይሳያ ማዔ ታኣም ጴዳኔ፤ ዲዚያ ታኣና ዋላ" ዬሱስ ኪሪሰቶሴ ማዶ"ና ፖኦሊሴጉዲ ማዔ፣ ደዲ ማዲ ናንጌያኔ። 26 ዲዛ ታ ዲንሢ ኮይላ" ዳካሢ' ዲንሢ ዲዛ ዛጋኒ ጳቂሣሢሮና ዲዚ ሃርጊንቴሢያ ዲንሢ ዋይዜሢሃናሮ ዲ ማላያታሢሮኔ። 27 ጎኔና ዲ ኮሺ" ሃርጊንቴ ሃይቃኒ ዑኩያኔ፤ ጋዓንቴ ፆኦሲ ዲዛ ሚጨንቴ ዓውሴኔ፤ ዲዛም ለሊቱዋንቴ ታኣማኣ ሚጨንቴሢሮ ታኣኮ ቤርታኣ ማሊያይዳ ቃሲ" ቃሲ" ታ ማሉዋጉዲ ታናኣ ማኣዳ"ኔ። 28 ዬያሮ ዲንሢ ዲዛ ዛጊ ዋዛዳንዳጉዲና ታኣኮዋ ማሊያ ሼሌዓንዳጉዲ ዲዛ ታ ዲንሢ ባንሢ ዳካኒ ባሺና ኮዔኔ። 29 ዓካሪ ጎዳ ሱንፆና ዲዚ ዲንሢኮ ዲሻ ማዔሢ ዔሪ፣ ዋዛና ዲዛ ሸኣቸንሢ ዔኩዋቴ፤ ሃሣ ዲዛጉዳ ዓሰዋ ቢያ ቦንቸዋቴ። 30 ዓይጎሮ ጌዔቴ ዲንሢ ታ ኮይላ" ሙኪ ማኣዳ"ኒ ዳንዳዒባኣ ማኣዳ ዲዚ ታና ማኣዳ"ኒ ጌዲ ኪሪሰቶሴኮ ኮኸ ሃይሶ ኬኤዚያ ማዶ"ሮ ፔ ሸምፓሢ ሚጨንቴዋያ ሃይቃኒ ዑኩያ ዓቴ"ሢሮኔ።

3

ጎኔ ዲሉ"ዋ

1 ዓካሪ ታ ዲሻንሣ! ታ ሚሸንሣ! ጎዳና ዋዛዳዋቴ፤ ዬያ፣ ታኣኒ ቤርታ ፆኣፔ ባኮ ላሚ ፆኣፓኒ ታና ዲሡዋሴ፤ ዲንሢ ዬይ ዳቢንቴፓ ካፓኒ ዳንዳዓኔ። 2 ካናቶጉዲ ፑርቶ ማዶ" ማዶ ዓሰይዳፓ ዲንሢና ካፑዋቴ፤ ዬያታ ዓቴንቴ ቤርቲ ቲቂሢ ኮይሳያኔ ጌይ ዔርዛዘንሢ። 3 ኦኡኒ ዓያናና ፆኦሲ ካኣሸካያ፣ ዙልካ ዓሲም ጴዳ ዋጌና ማዒባኣንቴ ዬሱስ ኪሪሰቶሴና ለሊ ሄርሺንታያ ማዔሢሮ ጎኔዋና ዓቴንቴ ቤርቲ ኦ ቲቂንቴያኔ። 4 ዓሲም ጴዳ ባኣዚ"ና ሄርሺንታኒ ኮይሳያ ማዔቴ ሚርጌ ባኣዚ"ና ታ ሄርሺንታኒ ዳንዳዓኔ፤ ዓሲ ቤርቲዳ ጴዳ ባኣዚ"ና ሄርሺንታኒ ጋዓይ ዓኣቶ ታ ዲዛፓ ባሺ ሄርሺንታንዳ ሚርጌ ባኣዚ" ታኣኮ ዓኣኔ። 5 ታኣኒ ሸይንቴሰካፓ ሳላ"ሳ ኬሎ"ና ዓቴንቶ ቤርቶ ቲቂንቴኔ፤ ሃሣ ቢኣኒያሜ ዜርሢ ማዔያ፣ ታኣኒ ዲሰራዔኤሌ ዓሲኔ፤ ዬያጉዲ ሃሣ ዔብሬ ዓሲ ታ ማዔሢኮ ፆኦጨሳ ባኣዚ" ባኣያኔ፤ ጊንሣ ዓይሁዶ ዋጎ ካፒያ ዛሎ" ማዔቴ ታ ፔርሴ ዓሰይዳፓኔ። 6 ፆኦሲ ካኣኸ ሚጨንቶ ዛሎ"

3:5 ዳኪ ማዶ" 23:6፤ 26:5፤ ሮሜ 11:1።

ማዕቲ፣ ዩሱስ ኪሪስቶስ ጉሙርቃዞንሢ ዲዲ ታ ደውሳሢኬ፤ ሃሃዎን ሃሃዎን ካፒሢና ዲሊ"ሢ ዛላ ማዕቲ ዔኤቢ ቦሂሳ ባኣዚ" ባኣያ ታ ናንጋያኬ። 7 ጋዓንቴ ሃያኮ ቤርታ ታኣም ኮይሳያኬ ጌዒ ታ ጉሙርቃ ባኮ ቢያ ኪሪስቶሴር ጌዒ ዔኤቢ ፓሡቀ ባኣዚ" ማሂ ታ ዛጋኔ። 8 ታ ጎዳሢ ዩሱስ ኪሪስቶስ ዔሪፃፓ ባሹ፣ ማሊ" ዓይጎ ባኣዚ"ያ ባኣሢ ታ ጉሙርቃሢር ቢያ ባኣዚ" ዔኤቢ ፓሡቀያ ማሂ ታ ዛጊ ዒዛር ጌዒ ቢያ ባኣዚ" ታ ሃሹ"ኔ፤ ሃሃዎን ዒዛ ዴንቃኒ ጌዒ ቢያ ባኣዚ" ፒዮ"ና ቡኡራጉዲ ማሂ ታ ዛጋኔ። 9 ዩያ ታ ማዳሢ ዎን ካፒሢና ጳዳ፣ ታ ቶኣኮ" ዲሊ"ሞናቱዎንቴ ጉሙርቃሢና ጳዳ ዲሊ"ሞ ኪሪስቶሴ ዛሎ"ና ዴንቃኒና ዒዛና ዎላ" ማዓኒኬ። 10 ሃሃዎን ኪሪስቶሴንታ ዒዛኮ ሃይባ"ፓ ዔቁያ ዎልቆንታ ዔራኒ፣ ሃሃዎን ዒዛኮ ሃይቦ"ናኣ ዒዛ ማላኒና ማታሢያ ዒዛና ዎላ" ዔካኒኬ። 11 ዩያጉዲ ሃይቁሢኮ ጊንፃ ዔቁ፣ ናንጊና ሹምፔና ናንጋኒ ሃጊ ማዓንዳ ዎዛ ታ ጌሃኔ።

ጋፒንፆ ሄላ'ኒ ጳሽኪሢ

12 ዩያ ቢያ ሃጊ ታ ዴንቁባኣሴ፤ ሃሃዎን ዩያ ቢያ ታ ኩንሣኔ ጋዓኒ ዴንዳዑቀሴ፤ ማዕቲያ ዩሱስ ኪሪስቶሴ ታና ዒዛም ማሂ፣ ታኣም ዒንጋኒ ጊኣጊሹ ባኮ ዔካኒ ሴካ ቤርቲም ደዲ ታ ጳኮይዳኬ። 13 ታ ዒሹንሃ! ታ ሚሹንሃ! ሃሢ ታ ዒኢካ ሄሌ"ኔ ታና ታ ጎዑቀሴ፤ ጋዓንቴ ፔቴ" ባኣዚ" ታ ማዳኔ፤ ዩይያ፡- ታኣኮ ጊንፃ ዓኣ ባኮ ታ ሃሹ" ሃሹ" ቤርታ ዓኣሢ ዴንቃኒ ደዲ ታ ማዳኔ። 14 ታኣም ዒንጊንታ ባኮ ዔካኒ፣ ታኣኮ ቤርታ ሄሎ"ም ጌሃና ቤዞ ታ ጳሽካኔ፤ ዩይ ታኣም ዒንጊንታንዳሢ' ያኦሲ ዩሱስ ኪሪስቶሴ ዛሎ"ና ሌካ ታና ዔኤሊ" ዒንጋንዳ ሹምፖኬ።

15 ዓካሪ፡ ዓያና ናንጎና ደደ ዓሳ፣ ኦኡኒ ቢያ ዩያጉዴ ማሊሢና ናንጋንዳያ ኮይሳኔ፤ ዒንሢ ዲማሳ ማሊሢ ባኣካ" ማገርንቴቴ ዩያ ማሊያዎ ያኦሲ ዒንሢም ፔጋሳንዳኔ። 16 ዩይ ያዲ ማዕቲያ ኦኡኮ ዩይ ናንጋ፡ ኦ ሃሢ ናንጋ ዓያና ናንጎና ዎላ" ሄኮ ማዎንጎ።

17 ታ ዒሹንሃ! ታ ሚሹንሃ! ታ ማዳኔ ባኮ ዛጊ ማዳሢና ሓንጎ ዓሶና ዎላ" ፔቴ" ማዑቀቴ፤ ሓሢ ኦ ማዳኔ ባኮ ዛጊ ሓንታ ዓሶቀ ቢያ ዒናፓ ኮሹ" ዛጉቀቴ። 18 ሃያኮ ቤርታ ሚርጌ ዎዴ ታ ኬኤዜሢሂጉዲ ሃሢያ ታ ዩኤኪ ዩኤኪ ዒንሢም ኬኤዛ ጎይያ ሚርጌ ዓሳ ኪሪስቶሴ ፑርቲሴ ዓሶ ሱያ ሚያ ሓይቄ ሓይቦኮ ሞርኬ ማዕኔ። 19 ዔያቶኮ ያኦዛሢ ጎጲኬ፤ ሃሃዎን ቦርሲሳያ ማዕ፣ ፑርቶ ባካ ዔያቶኮ ቦንቸኬ፤ ባሹ ዔያቶኮ ማሊያ ሳዓይዳ ዓኣ ባኣዚ"ዳኬ፤ ዩያር ጋፒንፆ ዔያቶኮ ባይሲንታኬ ጌይሢኬ። 20 ኦኡኒ ጋዓንቴ ጫሪንጮ ዓጪ ዓሲኬ፤

ዲኢካፓ ሙካንዳ ደኤሻሢ፣ ኑ ጎዳሢ፣ ዩሱስ ኪሪስቶስ ጳቂሢ ኑ ካፓያኬ። 21 ዲዚ ሃያ ኑኡኮ ላቤ"ያ ማዔ፣ ሓይቃ ዑያ ላኣሚ ዲዛኮ ቦንቹንታ ዑያ ማላያ ማዓንዳጉዲ ማሃንዳኔ፤ ዬያ ዲ ማዳንዳሢ' ቢያሢ ዲዛ ቢታንቶ ዳማ" ማዲ ዋርቃንዳጉዲ ማሃ ዋልቆናኬ።

4

ጋፒንሢ ዘር

1 ታ ዲንሢ ናሽካያ፣ ጳቂሢያ፤ ሃሃ ታና ዋዛሳናና ታ ማደ ማደ"ኮ ቦንቹ ዲንጎ ባኮ ማዔ ታ ዲጊኖንሢሃቶ፤ ዓካሪ ዬያይዲ ጎዳና ደዲ ዲንሢ ናንጋንዳጉዲ ታ ዲጊኖ ዲንሢ ማዔ ጎይዖና ታ ዲንሢ ዘራኔ።

2 ዔዎዲያና ሲንጻኬና ዔያታ ዎላ" ቡኪ ጎዳና ዓኣ ፔቱሞና ናንጋንዳጉዲ ታ ዔያቶ ሺኢቃኔ። 3 ኔኤኒያ፣ ዲኢካ ዓኣ ጉሙርቁንታ ታኣኮ ማደ" ለጋሢ' ዬንሢ ላኣሎንሢኮ ዑኬ ማዲ ዓያና ናንጎ ዛሎ"ና ዔያቶ ኔ ማኣዳ"ንዳጉዲ ጌዒ ታ ኔኤም ኬኤዛኔ፤ ዓይጎር ጌዔቱ ዬንሢ ላኣሎንሢ ቁሌማዖሴና፤ ሃሃ ሱ'ንፃ ናንጎ ማፃኣፖይዳ ፃኣፒንቱ፣ ሜሌ" ኑኡኮ ማደ" ላጎንሢንታ ዎላ" ማዲ ኮዠ ሓይሶ ኬኤዚያና ታኣና ዎላ" ዔያታ ላቤ"ያታሢሮኬ። 4 ጎዳና ዲንሢ ዓኣሢሮ ቢያ ዎዴ ዎዛዲዎቱ፤ ላሚ ላሚ ታ ዲንሢ «ዎዛዲዎቱ» ጋዓኔ።

5 ዲንሢኮ ኮሹማ ዓሲ ቢያም ዔርቱያ ማዖንጎ፤ ጎዳ ሙካኒ ዑኬኔ። 6 ዬያር ዲንሢም ኮይሳ ባኣዚ" ዓኣቶ ጋላቲ ጋላቲ ዖኦሲ ሺኢቃንዳኣፓዓቱም ዓይጎ ባኣዚ"ሮዎ ማሊ ሜታዲፖቱ። 7 ዓሲ ማሊሢኮ ዑሣ ማዔ፣ ዖኦሲኮ ኮሹማ ዲንሢኮ ዲኖና ማሊያና ዩሱስ ኪሪስቶስ ዛሎ"ና ካፓንዳኔ።

8 ታ ዲሾንሦ! ታ ሚሾንሦ! ዓካሪ ጋፒንፆይዳ ታ ዲንሢም ኬኤዛሢ' ጎኔ ማዔ ባኣዚ"፣ ዲናና ዓኣያ ማሃ ባኣዚ"፣ ጌኤሺ ማዔ ባኣዚ"፣ ጂሎ" ማዔ ባኣዚ"፣ ናሹም ዓኣ ባኣዚ"፣ ኮሺ ሃይሴ ማዔ ባኣዚ" ቢያ፤ ሃሃ ኮሺ ማደ ማዔቱያ ጋላቲሢ፤ ዬንሢ ባኮንሢ ማሉዎቱ ጌይኬ። 9 ታኣኒ ዔርዛኣና ዎይዚ ዲንሢ ዔኬ ባኮና ታ ማዳኣና ዛጌ ባኮ ቢያ ማዲዎቱ፤ ዬያ ዲንሢ ማዳቱ ኮሹም ዲንጋ ዖኣዛሢ ዲንሢና ዎላ" ማዓንዳኔ።

ጳውሎስ ዲዛም ዲንገንቱ ባኮ ዛሎ"ሮ ዓሰ ጋላቲሢ

10 ሚርጌ ዎዴኮ ገንፃፓ ታ ሜታሢ ዛሎ" ዲንሢ ማሊሢ ዓርቁሢሮ ዖኦሲ ሱ'ንፆና ሚርጌና ታ ዎዛዳኔ፤ ዬያ ታ ጋዓሢ' ዲንሢ ማሌ ባኮ ማዳኒ ዲንሢም ገኢጉዎዖ ዓቲ"ኔ ጌይሢ ማዓንዳኣፓዓቱም ታ ሜታሢ ዛሎ" ማሊያ ዲንሢ ሃሹ"ዖ ዓርቁኔ

ጌይሚቱዋሴ። 11 ሃሣ ዬያ ታ ጋዓሢ' ታና ሜቲ ባአዚ" ዓአኔ ጌይቱዋሴ፤ ዓይጎር ጌዔቲ «ታኣኮ ዓአ ባካ ታኣም ጊዳንዳኔ» ጌይሚ ታ ዔራሢሮኬ። 12 ዬያሮ ዔኤቢ ዳንቂሢ ማዔቲያ ዔኤቢኮ ባይቂሢ ታ ዔራኔ፤ ዓይጎ ቤሰካ ማዔቲያ ዓይጎ ዎደና ማዎም ሚሽኪሢና ናይዲንቲሢና፣ ሃሣ ዳንቂሢና ዔኤቢ ባይዚሢናኮ ዓአ ባአዚ" ታ ዔራኔ። 13 ዬያሮ ኪሪሰቶሴ ታኣም ዒንጋ ዎልቆና ቢያ ባአዚ" ታ ዳንዳዒንዳኔ።

14 ጋዓንቲ ዒንሢ ታ ሜታሢ ታኣና ዎላ" ዔካያ ማዒያና ኮሺ ማዶ ዒንሢ ማዶኔ። 15 ዬያ ሌሊቱዋንቲ ኮዥ ሃይሶ ማዶ" ታ ዓርቂ ዎዶ"ና ሜቂዶኒያ ዓጫ"ፓ ታ ኬሰካኣና ዒንሢ፤ ፕላይሎቶች ዬዳ ዓአ ዓሶፓ ዓታዛ ሜሌ" ታና ማአዴ" ሺኢጰሢ ማአሪ ዓሲ ባአሢ ዒንሢ ዒንሢሮ ዔራያኬ፤ ዬያሮ ታኣኮ ዔሶ" ዳንቂያናኣ ማዎም ባይዚያናይዳ ታና ማአዴ"ሢ ዒንሢ ሌሊኬ። 16 ቲሰሎንቂይዳ ታ ዓአና ሜታዳሢ ዔሪ፣ ላሚ ላሚ ታና ዒንሢ ማአዴ"። 17 ዬያ ታ ጋዓሢ' ዒንሢ ሃያኮ ቤርታ ማዶ ባኮፓ ባሺ ሚርጌ ኮሺ ማዶ ዒንሢም ቃሲ"ንታንዳጉዲኬ። 18 ታኣም ኮይሳሢጉዲ ሌሊቱዋንቲ ዑሣ ዓአዴ ማዔ፣ ዒንሢ ታኣም ዳኬ ባኮ ዔፓራዲቶሴይዳፓ ታ ዔኬኔ፤ ዬይ ዒንሢ ዳኬ ባካ፡ ኮሺ ሳውሞ ዓአ ቻኦሲም ዒንጎ ባአዚ"ጉዲ ማሢ ቻኦሲ ዔካንዳያና ዎዛዳንዳ ዒንጊሢኬ። 19 ዬያሮ ታ ቻኣዛሢ ሃይማኬ ጌይንቱዋ፣ ዒዛኮ ዓአ ባኮይዳፓ ዬሱሰ ኪሪሰቶሴ ዛሎ"ና ዒንሢም ኮይሳ ባኮ ቢያ ዲቢሺ ዒንጋንዳኔ። 20 ኑ ዳዳሢ፣ ቻኣዛሢም ናንጊና ናንጊ ሄላ"ንዳኣና ቦንቾ ማዎንጎ፤ ዓአሜን።

ጋፕንሢ ሳራሥሢ

21 ዬሱሰ ኪሪሰቶሴ ጉሙርቂ ቻኦሲም ዲማዴያ ማዔ፣ ዒዛ ዓሶም ቢያ «ኮሺዳ?» ጌዔኔ፣ ጎዑዋቲ፤ ታኣና ዎላ" ዓአ ዒሽንሢንታ ሚሽንሢንታ «ኮሺዳ?» ዒንሢ ጋዓኔ። 22 ዓቲ" ኪሪሰቶሴ ጉሙርቂ ቃ ዓሳ ቢያ፤ ሃሣ ዲማና ሮሜ ካኣቲም ማዳ ኪሪሰቶሴ ጉሙርቂ ቃ ዓሳኣ «ኮሺዳ?» ዒንሢ ጋዓኔ።

23 ጎዳ ዬሱሰ ኪሪሰቶሴኮ ኮሹሞ ዒንጊፃ ዒንሢ ቢያሢም ማዎንጎ።

4:15 2&C. 11፡9። 4:16 ዳኪ. ማዶ" 17፡1። 4:18 ኬሲ. ማፃ 29፡18።

ጌጌዥ ማግኔግ
The Holy Bible in the Maale language of Ethiopia,
using Ethiopic script

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929